


www.BibleForChildren.org


Genesis 1




I muan tan tatanik, tan
nainy te kat faruak e
Gov a gormirmir an
puputaa, an
puputaa to aya
gima faarei to
te tagei fi
rora ya
roman.



Sikia. U puputaa babainy
an kat fuainy. A uurup te
kookop a namaan, an
Aaven ten Gov taan to
patsun na namaam.



Ai Gov tsue to, "Arasan ruak," ana arasan ruak to. Ya
koo to na arasan, "U Nainy" ya koo to na uurup, "A
Voiny". Voiny te kap na ana voinyvoiny ruak to ayein
vaamuan nan nainy.



Ai Gov tsue to, "Isen ta bei tap ma ruak a kibe to na aurom, ana aurom te takibaa tana fuan a pan." Ana kat to ruak to kat to ai Gov kat to na bei tap sa kibe na aurom sa kat tap iny a aurom i fain ana aurom jias. Gov te koo na bei tap to aya na "Korosuu". Voiny te kap na, ana voinyvoiny ruak to, ayei fafuan nan nainy.



Ai Gov tsue to, "Aurom iny fainy na korosuu ma faavot tan seiny pan, ma ruak a pan a parak," ana pan a parak ruak to. Ai Gov koo to na pan a parak "Puputaa", ana fo aurom to te faavot tan seiny pan te koo ya na "Namaan". Gov te tagei a fo mamatsiny ka te kat fakap ya, sa paparaa iny Ya.



Ai Gov tsue to, "Puputaa ma fagiainy a fo fareevreev,
ana ausing to te natiny fuei non fua, an viirviir nau te
natiny fuei non fua," ana ri ruak to.

Voiny te kap na ana
voinyvoiny ruak to,
ayein fafofopis
nan nainy.



Sen Gov kat fuan kurun tsian, kurun tsian a nuaf kainy faan iny a arasan tan nainy ana iifaa faan iny non a arasan tana voiny, ai Gov kat kainy to na fo kootsits. Voiny te kap naa ana voinyvoiny ruak to, ayein fafats nan nainy.




Ai Gov tsue to, "A namaan ma
via men a fo mamatsiny viir
jian a fasmus fakina to. Ana fo
marei ma ruak, a ruaf vavis to
korosuu," ana fo
mamatsiny ka ruak to.
Voiny te kap naa ana
voinyvoiny ruak to, ayein
fangim nan nainy.




Ai Gov tsue to, "Puputaa ma kamen viirviir marei
sensen te kaa miror a toto, marei raif, an fo marei tsian
vouts an fo marei kakaiin vouts," ana ri ruak to.



Ai Gov tsue to, "Roman ra kat ror a mes a faarei ratua ra, ra ma bobot ya, ana ayei te tagaa ot ir fo jian an fo marei roruaf, an fo marei raif an fo marei sensen tsian an marei sensen kakaii iny ratsuu". Gov te tagei a fo mamatsiny ka te kat ya. Sa paparaa i fiisok tsun en. Voiny te kap na, ana voinyvoiny ruak to. Ayein fagonom nan nainy.



Sen Gov nom a mes sa fakei ya tana tanun to aya i Iden ma binun ya, ana ayei te tagaa ot iny a tanun ana fo mamatsiny ka koman ya.



Sen Gov tsue of fi na mes
nei, "Nyi onot iny ainy
fua nan fo mamatsiny
nau iny tana tanun to
aya. San anyi gim on
rom ma ainy fua nan
nau te kat non na mes
ya te nat iny a saf a ka na
rof, ana saf a ka na iring,
agaagon non tsumanyi tan
ainy fua nan nau to aya, te
ainy romanyi ya,
nyi mat rom."



Kat to ana mes faan iny ton asangar fokinaï marei
sensen iny fan an fokinaï marei sensen iny ratsuu,
an fokinaï marei roruaf. San a mes a
sikia farokot ta vaatau
kainy faakouts ya.




Gov kat to na mes ana mes goros ya maguu enato, ai to te goros farokot a mes. Gov nom ton sen tsuan ririkin na mes ya faa'ngamuts fatabiny ton venoo tana pan te nom ya tsuan i ririkin na mes.

Gov te kat a isen a moun tan as te nom ya ririkin na mes sen Gov mei naa na moun tana mes.



Tan kat tsun to aya nan, ana mes onot iny
naus osing e tsinan me taman ya, ya te nai
kaa fisen me na moun tsunia,
ana ri ina fuan te
ruak iny isen.



tana saa Gov mangiir fiisok a vainy
tana monaagits to, ana Ya faan iny to
na isen tsun a Guei Tsoiny Tsuan,
tan kat to aya ere sei tsun te faaman
ror Tsunia ee, gim ror ma nai
nom a mat a suu, sana ri
kaa bus me na
toto na suu.



Romans 3:23 tana saa a vainy faavot kaa miror aveto, ana ri biu erato ma vamarits ari Gov.

Romans 6:23 tana saa a tafan tan kat, kat iny aveto i tovei, a mat a suu unya Hel; sai to tana fifaan te faan babainy iny e Gov, ito na toto na suu ten Kraiss Jisas a Tsunaun tsura.

Hebrews 9:27 A fokinai vainy faavot mat isen tsun ror, voun ya, vaatsuk ten Gov te ruak me.

Ephesians 2:8,9 Ito tsun kan tana koma ree'un a kaatsian fiisok ten Gov, sana mi saup fatabin em, tana saa, ami faason tsun emanaa ten Kraiss. An sikia ma tan kat rof tsura patsukaner, sana fifaan babainy tsun ten Gov, ma tenoor tsun iny vaare ta mes, "Nyo saup fatabiny a tsivou."



Romans 10:9,10 Ka te favaanan ronyo tsumi tovei: Tan nainy te tsue pooka rom anyi matar a fokina fiisen men sen tsun fakats tana man nana ka to, "Jisas Ayei na Tsunaun faman tsonyo," ai to te faamainy fatsian rom anyi na ka to, "Gov fatoto fatabiny e Jisas vou na mat Tsunia," Gov nai saup fatabin marom anyi tan aveto tsumanyi ana Ya te kat fatavaroiny manyi, tana saa, a mes ma faamainy famainy e Gov te fatoto fatabiny e Jisas tana mat, ai Gov te kat fatavaroiny a mes to ayei matan Ya; an ayei ma tsue pooka tana mesapan, Jisas a Tsunaun tsunia, ana Ayei saup fatabiny towa tana fo aveto.

John 3:16,17 tana saa Gov mangiir fiisok a vainy tana monaagits to, ana Ya faan iny to na isen tsun a Guei Tsoiny Tsuan, tan kat to aya ere sei tsun te faaman ror Tsunia ee, gim ror ma nai nom a mat a suu, sana ri kaa bus me na toto na suu.



Gov gima jiats me na Guei Tsoiny Tsuan tana vainy tana monaagits to, ma faarei Ya na tsoiny vaatsuk ma pokei rari Ya, er nom to na fasaraa tan mat a suu, a sikia, sai te faarei non a Tsoiny Fiisaup tana vainy tana monaagits to.

1 John 5:11-13 Vegiau te pokei iny e Gov tovei: Gov faan bus iny a toto na suu tsura, ana toto to aya te kaa non koman a Guei Tsoiny Tsunia. E sei na mes te kaa minon a Guei Tsoiny ee, ayei te kaa minon a toto to ayei: ai sei na mes te gim non ma kaa me na Guei Tsoiny ten Gov ee, ayei kan te gim non ma kaa me na toto to ayei. Nyo kirkir of mamin vainy te faaman rom tana asangan a Guei Tsoiny ten Gov ma nat ami, ami kaa bus me na toto na suu.



Genesis 1-2

Storyline by: Edward D. Hughes

Illustrated by: Byron Unger, Lazarus
and Alastair Paterson

Adapted by: Bob Davies; Tammy S.

Saposa Bible (sps) © 2001, Wycliffe Bible Translators, Inc.
All rights reserved.

<https://www.bible.com/bible/1271/GEN.1.SPSNTPO>

©2025 Bible for Children, Inc.

www.M1914.org

www.bibleforchildren.org

